


軍國民教育  
會館

本會敬贈不取分文



上海图书馆藏书



A541 212 0015 7738B



特派員送別寫真

## 序

同人既編次軍國民教育會紀事。因爲數言以弁其端。曰。嗚乎。吾國凌夷至此。致弱之故。千端萬緒。莫大於吾國民蓄縮。選奕甘爲僕隸。臣妾而不自振。而蓄縮。選奕。僕隸。臣妾。積爲性尙。數千年間所以胎之。養之者。亦千端萬緒。又莫大於偏崇文教。軍旅之事。壯趨之習。言教育者。無一注視。故中外有戰。吾國民鮮不敗。降伏。即有一二健者。義不辱國。甘蹈鋒刃。而教之無素。養之不豫。殞身授命。舍溝瀆自經。遂無死所。披歷朝殉國諸臣錄。其能免於此。有親握寸鐵。以與仇敵爭一日之命者。幾人也。脫蘭斯哇。以非洲一小國。久隸英屬。一旦發憤。與英國戰。相持至二年之久。死亡相藉。猶不少挫。英人以全力抵之。乃克制勝。脫國雖敗。歐洲人言之。猶爲心慄。日本變法。悉取歐制。而嘉永之間。外舶一至。致動全國公憤。尊攘論起。長門薩摩之士。類皆以書生稱兵。卒平大難。雖其固蔽木疆。不達世變。以語今世之士。有足嗤者。而敢死之氣。愛國之心。與夫大和魂。武士道之教。養習俗。固有以立強國之基。以與人競矣。庚子之禍。義和團敢犯衆怒。轉張狂狡。自取殃咎。爲世界羞。有識之士。無不罪之。而其用心。猶有足矜者。苟有以教

之。貞其力。養其銳。不輕於一發。冀得當以報。未始不可以爲用。獨至聯軍入京。罪魁逮捕。順民之旗。遍樹闔巷。平日自稱忠孝。爲義民魁首。排斥通達之士。爲亂賊爲間諜者。乃轉哀號乞憐於所仇讎。以苟一日之生。與其富貴。今日袞々朝右。號爲外交官。其爲是曹耦者有人矣。是真所謂蓄縮。選奕。僕隸。臣妾者矣。團匪不足以亡國。團匪之後。變而爲媚外。乃真亡矣。此本會同人之所深痛也。本會發起於拒俄。初稱爲義勇隊。當俄約警時。衆情憤激。女生童子。咸誓死願與虎狼國一爭命。是二百人者。固自料其早爲黑江遼陽之鬼。又安得此暇日。編次是書。忍涕疾呼。以爲吾全國同胞告也。今日難端少戢。其或得緩須斯之死。俾有所訓練。有所警備。以爲効國之用。他日雖敗。其爲脫蘭斯哇也。矧以吾土地之大。人民之衆。人々敵愾。人々自強。安見其不能雄飛於世界。又豈僅救亡而已。是當於本會之盛衰卜之。燕雲十六。其有聞風而奮者乎。鋒捍持起。誠壯士矣。

# 軍國民教育會紀事

## 拒俄論之發軔

四月初二日。東京時事新報號外(警急傳單)載俄國駐清公使撲蘭孫與該報館訪事談話。『俄國反對滿洲開放政策。於滿洲來住之日美英國人。除商業外。凡於北清一帶政治上。有使用外人者。必以正當之防禦禁止之。外人之勢力膨脹。害及滿洲。俄國投財用兵於滿洲。費多年之經營。不費一錢。不用一兵。之日英等國。毫無容喙之權能。日本於朝鮮之勢力。尙未滿足。何以又伸手於滿洲。殊不可解。俄國人皆謂俄國從來對滿洲政策。欲取而未取。致有生殺之嫌。故各國生出種々障礙。今寧斷然取之。歸入俄國版圖。此種議論。近日最得勢力云。』

各新聞又載俄國要求中國政府條約七條。

- 一、中國不可將東三省之地賣與或租賃與別國。
- 二、沿營口至北京之中國電線線路。俄國可於其旁別自架設別線。
- 三、不論何事。中國於北清苟有建設。不得僱他國人。

四、營口海關稅務。當使中俄銀行管理。稅關長必用俄國人。且令稅關兼理檢疫事務。

五、東三省地除營口外。不得開放爲通商市場。

六、蒙古之行政組織。不得有變更。

七、團匪亂事以前俄國所得之權利。不得有所損害。

以上所登各警報留學生見之大憤。

初三日。留學生會館幹事及評議員開會。湯君樞提議電致南北洋。請其主戰。鈕君永建演說。言中國志士激昂慷慨。徒有空言。近數年間。爲是空言者已屢見不鮮。辛丑二月爭俄約之電。此次在東留學生爭法國干涉廣西之電。匪不淬厲奮發。言足動人。然事不自圖擔當。徒責望於人。人任其艱。我議其後。非所以爲國民也。留學諸君苟能自行組織義勇隊。準備赴敵。然後再致電南北洋。俾天下曉然於我學生界中無畏死者。亦全國矚目之先聲也。衆皆贊成。

## 義勇隊之設立

初三日。午後。開留學生全體大會於錦輝館。到者五百人。公推湯君樞爲臨時議長。湯君樞、鈕君永建、王君璟芳、葉君瀾、蒯君壽樞、周君宏業、張君肇桐、汪君榮寶、程君家樞、李君書城、

翁君浩、王君學來等相繼演說。

## 湯君演詞

大丈夫日々言不得死所。今俄人於東三省之舉動。日本警報。諸君皆已知之。此真吾國之奇詬極恥。亦正我輩堂々國民流血之好機會。英美日三國仗義執言。與俄人反對。彼亦各爲其利耳。何愛中國。今日之勢。無待煩言。戰亦亡。不戰亦亡。均之亡國。則開戰之主權。實操之自我。雖拚命到兵盡矢窮。一敗塗地。猶不失爲亡國之雄鬼。三國不助我。固不得不主戰。三國助我。尤不得不先戰。東三省一失。內地十八省。外人紛樹國旗。中國人還有立脚地麼。到那時候求一戰而死。恐不可得。今日非我堂々國民流血的好機會麼。衆皆拍掌。湯君又厲聲說曰。留學生遇重大問題。充類至盡。不過打個電報。發封空信。議論一大篇。誰肯擔半點血海干係。還說是待我學成歸國。再議辦法。待你學成歸國時。中國已亡了幾十年。支吾瞞混。待騙誰來。我看學生中真正敢死不作那空言的人。料也不少。故我意今日有不怕死。肯犧牲一身。爲中國請命的。立刻籤名。編成一隊。刻日出發。逕投北洋。痛哭流涕。剖陳不戰之害。情願奮身前敵。萬死不懼。更立本部。專爲後應。我中國自甲午以來。久成爲世界三等國。以三等國民。而敢與世界第一雄國死抗。我輩雖被大砲炸成飛灰。還不值得麼。或謂既無軍糧。又無器械。徒手搏戰。勢所不能。設投奔北洋。



安知北洋必能錄用。又安知政府之必能主戰。以學生之力。何能擔當此任。雖率全體學生驅而死之。亦不足當俄人之鐵騎。此舉似近於孤注。然政府主戰與否。固非我輩所能逆料。今日之勢。戰與不戰。亡一耳。據各報所載。政府毅然拒絕俄人。既曰拒絕俄人。豈爲空言所嚇。此不辨自明。至於北洋不見信用。此則無庸過計。吾聞申包胥一哭七日。異國且爲之感動。何況我輩抉心嚙齒。可誓天日。但能與俄人一戰。雖爲蒼頭走卒不辭。北洋方招軍。何遽疑慮。至云軍火等。學生本不應蓄備。使果列隊整齊。運糧輸甲。吾知甫入國門。已遭大辟。又何能爲沙場之鬼。達其拒俄之目的。至云學生無用。誠哉無用。吾輩徒以國家大義所激。誓以身殉。爲火炮之引線。喚起國民鐵血之氣節。中國死吾輩數人。如九牛一毛。我國民有知。當亦爲之感泣。言至此厲聲呼曰。死生一髮之際。還想四面周到。難道還要預備衣衾棺槨麼。衆皆憤發。多涕不能仰。

議決。衆爭籤名。湯君復說曰。此舉是真。正死生問題。絲毫不容牽強。諸君勿曰爲一時大義所激。輕於從事。聲色慘裂。衆益悲憤。湯君又告之曰。此死籍也。宜慎。籤名者神色自若。是日議決各事如左。

- 一、更有願入義勇隊赴前敵者。儘兩日內籤名。
- 一、未即赴前敵者。別設本部。部署軍隊各事。

一、致電北洋大臣袁。及上海各團躰。

一、發電後更致函北洋大臣。請將義勇隊隸其麾下。

一、遣特派員至天津與袁訂定彼此關係。

一、遣人至本國內地各般富地方。

一、遣人至南洋各埠。

一、遣人至歐美各國。

初四日籤名願入軍隊者百三十餘人。籤名本部辦事者五十餘人。

### 致北洋大臣袁電文

北洋袁大臣鑒。俄禍日迫。分割在即。請速嚴拒。留學生已編義勇隊。準備赴敵。詳函續上。

### 致上海教育會愛國學社電文

俄禍日急。已電北洋主戰。留學生編義勇隊赴敵。請協力。

### 致北洋大臣袁書

頃閱日報。俄人以東三省撤兵事。橫肆要挾。增約七條。剝我主權。辱我國躰。視我政府如傀儡。侮我國民如行尸。凡含生之倫。戴天履地者。無不髮指眦裂。欲食其肉。我政府毅然拒絕。不爲所怵。群情感動。熱心若狂。前日已公呈電信。乞力持拒議。急修戰備。言雖冒瀆。

情實可矜。伏惟明公坐鎮兼圻。身負群望。上躄宵旰之憂。下對洵々之憤。必有以堅強不屈。挽國家於將亡。是以不揆疏遠。願貢其愚。竊惟國家自甲午以來。情現勢絀。各國以洪水猛獸之勢。抵隙而來。割據要隘。吸引脂膏。甲國進一步。則乙國必思所以抵制之方。乙國獲一利。則甲國亦必謀所以均沾之實。故臺灣甫割。而膠州隨亡。旅大既捐。而威海亦失。此奪礦山開採之權。彼握鐵道交通之柄。難端一發。寢不可制。及庚子之變。喪師辱國。排外之志未伸。而窮蹙之勢益顯。列強環視。操刀待割。英日聯橫於前。俄法合縱於後。前者以扶持保護爲美名。而欲收潛移默化之效。後者以分割迫脅爲公理。而惟恐失攻昧兼弱之機。是以極東問題。日騰於彼國之報昏。而償金之事。各國且務相窘迫。而未知所終。夫俄法既明目張膽。以侵畧爲事。故法則煽亂於南。欲一舉而得全粵。俄則跳梁於北。且南向而窺京師。今廣西之勢。方岌々不可終日。而東三省之警告。又沸騰於內外之口矣。頃聞美人已通牒俄都。正言詰責。日本亦增修軍備。上下戒嚴。中原大陸。行將爲列強角逐之場。而我方隱忍依違。人無固志。或怵於積弱新敗之餘。而禁言兵革。或狃於居間調停之策。而依賴強隣。嗚呼剝膚之災。已迫眉睫。而猶欲偷安旦夕。僥倖於他人之或我恤者。是雖天下之至愚無恥。亦心知其不可也。故今日之事。戰亦亡。不戰亦亡。戰而割地。則各國無所藉口。暫戢其凶暴之威。不戰而自屈。則他人必引以爲例。而各遂其無厭之

欲。是則戰雖亡。而猶有不亡之理。存於萬一之中。不戰則雖欲免亡。而誠恐速亡之道。已迫於終食之頃矣。昔華元有言。『過我而不假道。鄙我也。鄙我亡也。殺其使者必伐我。伐我亦亡也。』亡一也。遂殺楚使。『古人於國權存亡之際。競々若此。而不惜以孤注一擲之舉。爲徒手搏虎之計者。誠見夫國恥之不可長。而利害之比較。不可不審也。自警報東來。輿情憤懣。廢學忘食。志在授命。數日以來。不期而集者百有餘人。感願投袂歸國。自効行間。刻日待發。以死自誓。嗚呼某等血肉之軀。亦猶群衆。而負笈遠學。未更訓練。既無昏驚失心之疾。亦知強弱不敵之勢。而猥欲棄其所業。以委身於百萬虎狼之口者。固以爲亡國之慘。痛於殺身。奴隸之辱。酷於斧鉞。生爲無國之民。不若死爲疆場之鬼。苟得親握寸鐵。刺刃於俄人之腹。雖磨頂放踵。猶有餘甘。至於成敗利鈍。固非所問也。昔波斯王澤耳士以十萬之衆。圖吞希臘。而留尼達士親率壯丁數百。扼險拒守。突陣死戰。全軍殲焉。至今德摩比勒之役。榮名震于列國。泰西三尺童子。無不知之。夫以區々半島之希臘。猶有義不辱國之士。可以吾數百万方里之帝國而無之乎。吾國與外敵交戰之事。有史以來。不可勝紀。而有敗無勝。爲萬國羞。獨雅克薩之役。康熙二十四年。彭春以萬八千之卒。困俄人於重圍。破其堅壘。斃其驍將托爾布泰。使俄帝彼得不敢逞志於我。而尼布楚之條約。遂逐俄人於外興安嶺以北。不得南踰一步。雖盛衰之勢。今昔懸殊。而亦足見勝負無常。惟

所自召。安見斯拉夫之民族。必雄長於亞東。而可薩克之兵士。果無敵于天下哉。凡今所陳。自是明公所洞悉。而欲喋々不休。重瀆尊嚴者。冀某等忠義之忱。見諒于左右。不徒以衆寡強弱之不敵。而怪哂其妄也。頃議公屬學生二人。即日詣轅。敬陳一切。懼謠隊之言。或已先入。故復上一絨。盡布其愚。幸賜容納。不勝屏營。

各省留學生同鄉會 留學生在東京各有設立同鄉會。及俄事起。咸開會議辦法。

演說時有痛哭嘔血者。義勇隊之舉無不贊成。

福建童子方聲煊。聞俄事後。日夜涕泣。求籤名。衆以其穉也。尼之。童子曰。吾爲國死。豈殤耶。開會之日。遽奮起署名。翁君浩持之哭曰。聲煊我北征且殲。留汝爲吾國忠義種子。死更有光大於我者。我輩日言効國。日言自強。今乃僅即於死以塞吾責。吾罪且不可追。汝復輕身殉此。胡爲者。舉坐皆泣不可仰。

潘國壽年十六。亦籤名軍隊。浙江同鄉會止之。潘君大哭曰。國亡無日。欲求死所。行且不可得。我得從軍北征。致死強虜。其爲吾鄉人榮。不更大乎。卒不可止。

共愛會 共愛會爲吾國在東女學生所立。聞留學生有義勇隊之舉。亦開會商議協助。

### 胡女士彬夏演說

嗚呼。我最愛之祖國。將爲他族所統轄。我最親之同胞。將爲異種所奴隸。豈不傷哉。豈不

耻哉。我等既爲中國之國民。中國之安樂。既當受之。中國之患難。豈不當共之耶。總之中國之存亡。即我輩生死關頭之所在。我同胞姊妹。既皆久學海外。自必深明其理。不待煩言。我等既知亡國之慘傷。奴隸之羞辱。使任其滅亡。任其殘害。豈我輩之所宜出此耶。亦豈共愛會之本旨耶。我思現在同志諸姊妹。無不熱心愛國。當必出其所學所能。奮發以救祖國。以援同胞也。日來留學諸君。以東三省問題。急急籌商拯救之道。已公議組織義勇隊。願赴死前敵。其情可哀。其志可欽。然亦皆四萬々國民。人々所當負之責任。當盡之義務。無所用其推諉顧忌也。彼等如此。我輩自問。又當如何。豈以女子事不如人。不宜爲此耶。我雖不才。欲以螳臂之微。爲國盡力。願從義勇隊北行。事雖無濟。即至捐軀殞命。誓無所惜。諸姊妹當必以爲然。我想祖國瓜分。同胞奴隸。我輩有何面目。更在日本留學。願諸姊妹圖之。

是日決議入日本赤十字社。從義勇隊行。任軍中看護死傷事。帝國婦人協會校長下田歌子。聞而阻之。女士咸涕泣曰。吾儕且無國。安得有身。復安得有學。下田卒不能止之。計籤名者十二人。

胡女士彬夏 錢女士豐保

林女士宗素 龔女士圓常

## 軍國民教育會

陳女士懋颺、華女士桂

方女士君笄、鈕女士勳華、

王女士蓮、吳女士芙、

曹女士汝錦、周女士佩珍、

共愛會致上海女學校電文

國禍急。女生議入赤十字社。同學生軍北征。告女學校協助。

北京大學堂學生來電文

俄約急宜設法阻

復電文

留學生已編成義勇隊電北洋備赴敵

上海教育會復電文

電悉贊成餘來東面述

## 學生軍之部署

初六日復開大會於錦輝館。改名義勇隊爲學生軍。商議規則。凡籤名諸君咸到會。議畢。呼

學生軍萬歲。

## 學生軍規則

### 第一 定名

學生軍  
(甲) 軍隊  
(乙) 本部

### 第二 目的

拒俄

### 第三 性質

(甲) 代表國民公憤  
(乙) 擔荷主戰責任

### 第四 體制

在政府統治之下

### 第五 組織

(甲) 隊中職員：隊長一人

區隊長三人

參謀長一人

分隊長十二人

軍法會議其議長即隊長任之

隊中看護員由女學生組織之

(乙) 本部職員：部長一人

學生軍之部署



運動科長一人

經理科長一人

會計科長一人

書記科長一人

參議科長一人

其餘運動員經理員會計書記參議均無定員

## 第六會議

爲全軍之總機關議員以二種人員組織之

(甲) 隊中隊長及區隊長參謀長

(乙) 本部各長及諸科長

臨時議員凡在隊人員有意見者爲之

會議時應立議長一人(臨時)

## 第七軍紀

(甲) 謹守秩序

(乙) 服從號令

## 第八籌款

(甲) 出發款項(預先運動臨時取款)

(乙) 尋常款項(即學生義務捐及特別捐)

義務捐一等二元

二等一元

三等五角

## 第九講習

(甲) 操習

(乙) 講課

每日約各一時以上

## 第十出發

俟特派員復信後

## 第十一解隊

(甲) 目的已達

(乙) 目的消滅

## 第十二附則

(甲) 編隊次序(每日照常在校上課之餘輪班至講習所講習)

(乙) 退校次序(出發定期後即當報告監督及各學校長退學)

初七日學生軍人員咸於午前十時至會館。胡君景伊、龔君光明、藍君天蔚等驗體格高下。編制軍隊。全隊分甲乙丙三區隊。每區隊為四分隊。公推藍君天蔚為學生軍隊長。龔君光明、吳君祐貞、敖君正邦為區隊長。分隊長由隊長指定。

## 藍君天蔚演說

中國賤武右文。從古如斯。近今數百年更甚。挾二萬々方里之土地。集四萬々同胞之種族。苟稍具尙武精神。亦何至有今日。今者同志諸君子。仗大義。發公憤。怵於亡國之禍。欲以至貴至重之軀。捐之沙場。以拒強虜。以爭國權。誠中國有史以來未有之光彩。亦誠中國有史以來未有之慘劇也。僕雖忝事陸軍。究有何才何學。敢受此重大之任。懇諸同志更推能者。同人均言曰。非藍君不勝其任。藍君復言曰。諸君子不以僕爲不肖。推爲學生軍隊長。則不得不以軍隊事與諸君子約。軍隊與社會。大相逕庭。社會貴平等。軍隊尙專制。蓋非專制則不能以一人統御百人。乃至十萬百萬人。出入於槍林彈雨之中。相忘死生也。兵家之言曰。無軍紀則不成爲軍隊。服從而外。別無軍紀。今既定名曰學生軍矣。舉止動作。必守嚴正之紀律。同志諸君子始事軍伍。恐有未嫻者。苟有破壞紀律之事。僕不敢不以法律相繩。僕之執法。僕之義務也。同志諸君子之服從。亦諸君子之義務也。至若遇同人。敬以軍禮。未出發。毋荒學業。操必守時。多勞而樂。誠中國全民族之表的也。同志諸君子以爲何如。衆皆舉手贊成。

初八日。本部各員皆分科任事。

初九日。揭示學生軍課程表。

初十日。學生軍齊集會館開操。

十一日、本部軍隊各職員集議。部署各事。連日新聞載英美日對俄政策。俄國通牒各國。證言要求清國各節。並無其事。且以代理公使樸蘭孫失言。欲褫其職。

十二日、日本東京神田警察署電話至會館。招王君嘉築、鈕君永建、張君肇桐、林君長民。往鈕張以他事不克赴。王林二人俱至警署。與警察長問答如左。

警察長問曰。聞貴國留學生因滿洲問題。有義勇隊之設。確否。答(王)有之。問聞隊中

規則及組織有隊長有軍曹等名目。是與軍隊無別。此事於日本外交上頗有阻碍。答

(林)此事雖名為軍隊。然其內容不過練習躡操。無軍械軍服。不能成爲軍隊。問留學生

監督知之乎。答(王)吾國學生事。吾國監督安得不知之。但創立茲事時。本因俄國要求

并俄使宣言。欲舉東三省收入俄國版圖而起。據目下情形。七章條約已經取消。此事照

原定規則亦可停止。問躡操時有用鐵炮否。答(王)無之。但會館中本有躡操器械。即

不關滿洲問題。留學生亦時練習。問練習時人數過多。鄰舍聞之。亦頗張皇。答(林)教

育的躡操。似與亂暴舉動不同。問教育的躡操尙無妨碍。若組成軍隊。則日本帝國有

主權。不能不干涉。答(林)並非軍隊。此事當俄使宣言時。本度即日開戰。則留學生等當

即日歸國。彼時成軍與否。係在敵國々境。並不在貴國也。若今日情形。則在貴國一日。便

爲一日學生。與軍隊實不相類。問君等愛國之心。實在可敬。答(林)此爲有生所同具。

無所別於衆。問自表面視之。有軍隊形式。務望速解。答（林）照規則辨理。本可提議解隊。但爲強聃魄起見。時常操習。此於外交主權等問題。似不相關。今晚當更有覆信。遂辭出。

是日、上海教育會特派員汪君德淵朱君蓮溪至東京。

晚六時、本部軍隊各職員集議。王君嘉榘報告警察問答情形。林君長民提議。謂此事既有軍隊名目。無論內容如何。必不能勾留他人國境。致傷國際。俄事急。則學生軍宜即日歸國。否則一日未遽出發。一日當更軍隊之名。或改爲軍事講習會。其精神與軍隊實無所異。丁君嘉穉曰。俄國之禍。終至決裂。凡吾國人。皆宜奮戰。若但恃百餘留學生。在此組織團體。不足以抗強敵。宜回國分途運動。蒯君壽樞曰。歸國運動。團體即散。散則無可圖矣。張君肇桐曰。羣力任事。當去牽掣。欲歸運動者。宜聽其便。其在東者。團體組織。當日鞏之。王君季緒曰。俄國遠略。庸有悔心。宜先遣人滿洲。探其軍情。王君嘉榘曰。吾國人向無體育。倉卒訓練。亦屬無濟。今日辦法。已結之團體。當速赴袁軍。痛哭。請其力拒俄人。其能運動者。速歸運動。蒯君壽樞曰。出發之事。不得政府許可。則軍火饟餉。無一可藉。不宜遽行。葉君瀾曰。我輩來東。志在求學。爲吾國民任事之基。俄事警急。欲一致死。此至不獲已之事。非謂一死遂足以塞責。今逆料俄事未必即決裂。我輩趁此暇日。又得吾同胞士官諸君相與講求戰術。養成軍

人資格。一旦有變。更赴前敵。不獨一虎狼俄。即他國侮我。亦足相抗。不庸愈於今日邪。上海同志。組織軍隊。苦無教習。尙至東求之。我輩幸在日本。講習較易。而反舍之歸國。國內多我輩一人。有何用處。徒自渙耳。顧君次英。蹇君念益。葉君基慎。咸提議先改軍隊名目。練習體操。鈕君永建曰。諸君之說。皆可行也。日本干涉。關於國際。軍隊之名。不可仍也。拒俄之策。求與一戰。訓練不先。何以致果。軍事講習。不容緩也。內地謠喙。謂我亂民。性質不明。何以要信。陳情政府。宜遣員也。私議未足爲據。明日當公決之。是晚決議。明日招集同人。開臨時大會。提議更學生軍名稱。及組織講習會事。

### 復警察署信

學生軍隊。已照隊中規則提議解散。惟教育的體操。此後仍時々講習。不同軍隊形式。特此奉告。

## 學生軍之改革與軍國民教育會

十三日、由本部軍隊各職員緘招籤名諸君。明日大會。

十四日、開會會館。籤名者咸至。湯君樞述開會詞。汪君德淵報告上海教育會亦編立義勇隊。愛國學社學生百餘人。皆願赴敵。胡君景伊、謝君曉石、因激勵衆人曰。上海得吾輩一電。

奮發叢起。乃至於此。吾輩軍隊設立。幾及十日。出發既無定期。特派員不行。運動員未遣。更經旬日。雲散煙消。其何以對天下志士。俄國凶焰。雖曰稍戢。陰謀詭計。究竟若何。袁軍有無鬥志。政府是否拒絕。皆吾同志今日所當調探者。特派員之行。萬無容緩。葉君瀾提議改學生軍名目。及組織軍事講習會。衆咸贊成。選舉特派員。當選者。

鈕君、永建（八十一票）  
湯君、樞（七十二票）

同時舉葉君瀾、秦君毓鑾、張君肇桐、董君鴻禕、林君長民、王君環芳、周君宏業、謝君曉石、與特派員定北行公約七章。

- 一、特派員出發。以本週爲限。
- 二、專注北洋大臣袁。要求主戰。允許學生軍出發。
- 三、袁允、合目的。電告本會。
- 四、袁不允、往北京運動政府。政府不允。則電告本會。
- 五、持定此宗旨。有全權運動北洋以外事。如與宗旨不合。電告本會。再圖。
- 六、倘或袁政府竟不能直見。電告本會。
- 七、俄事消滅。則回東京。

復由特派員推舉藍君天蔚、秦君毓鑾、謝君曉石、張君肇桐爲改訂章程起草員。衆贊成。乃

更約於明日大會錦輝館議之。  
十五日會於錦輝館。改學生軍爲軍國民教育會。議定章程及臨時公約。推謝君曉石爲議長。董君鴻禕。蒯君壽樞。貝君均爲糾儀員。

## 軍國民教育會章程

### 第一章 定名

本會名軍國民教育會

### 第二章 宗旨

養成尚武精神、實行愛國主義、

### 第三章 會員

一會員以留學生中同志者組織之、

二名譽贊成員、以援助(或爲本會盡力或助本會經費)本會之官紳士商組織之、

### 第四章 職員及選舉法

本會職員分平時臨時二種

一平時職員如左、

(甲)教員 (無定員)  
(乙)事務員(經理員四人·書記員三人·會計員三人·運動員無定數



(丙) 執法官員三人 (丁) 職員長一人

二臨時職員如左

(甲) 特派員(無定員臨時酌定) (乙) 教員(臨時教員亦無定數惟得變通其名稱如隊長

區隊長之屬) (丙) 事務員(種類各平時惟得隨事之大小酌量添舉) (丁) 執法官員數

臨時酌定) (戊) 職員長一人

教員不限會員、由會中公請

特派員事務員及執法官員皆由衆投票於會員中公舉惟運動員用推舉公認自認之法、

(運動規則另定)

職員長由職員中自行推選

職員任期以半年爲率連舉連任

## 第五章 會員之責任

一會員當確守本會宗旨、擴張本會事業、負保全國土、扶植民力之責、

二會員遇國事危急之時、有遵依宗旨、擔任軍務之責、

三會員有互相親愛、互相教學、互相規勸之責、

四會員有調查內地情形及聯結他種團體(惟以與本會同宗旨者爲限)之責、

## 第六章 會員之權利

- 一會員皆有議事決事及舉人被舉之權
- 二會員皆有查究會務及質問職員之權
- 三會員皆有受會中保護援助之權

## 第七章 入會告假除名

- 一有志入會者須由會員介紹開會時經衆公認方得入會
- 二會員如有不得已之事故可申明理由向書記員告假
- 三會員有犯本會公約者可由執法員提議除名由衆公決

## 第八章 功課

課程計分三部

- (甲)射擊部(打靶擊劍)
- (乙)體操部(普通體操兵式體操)
- (丙)講習部(戰術軍制地形築城兵器)另有時間表

## 第九章 經費

- 一義務捐會員月輸義務捐四角
- 二特別捐會員於月捐外有加捐或海內外紳商有樂爲提倡捐助者統作爲特別捐

義務捐於每月大會時各交會計員、

募集特別捐爲會計及運動員之專責、惟會員亦各有勸集之義務、

## 第十章 會議

一 會期計分二種、

(甲) 經常會期會員大會每月一次、職員會半月一次、

(乙) 臨時會期、遇有要事得開臨時大會、或臨時職員會、

會期由書記員先時函告、或由通信員馳告、事急時添舉書記、專司報告、即名通信員、

## 第十一章 附則

一本公約以會員公決後爲實行之期、

二本會各幹事、以半年爲改訂之期、但遇有要事得隨時公議修改、或另訂臨時公約、

三本會總事務所暫設日本東京神田駿河臺鈴木町十八番地清國留學生會館內

## 臨時公約

一 此公約之目的在拒俄

二 本會會員當服從公約、犯者由執法提議公決處罰、

三 本會會員當振作精神、執行義務、依所定時刻會員操演時刻及職員治事時刻到會、違者由執法官提

## 議、公決處罰、

四、本會會員當互相親愛。見同人過失，可隨時當面規勸，不得膜視，亦不得腹誹，背後譏誚。

五、本會會員遇有患難，當極力互相保護救援。

六、本會會員當有事時不得無故喧擾，宜有整齊嚴肅之氣象。

七、本會會員遇危急時，不得意存退避，故意巧言阻撓，致惑人心，犯者公議處罰。

八、本會會員當堅守宗旨，勿爲他人混亂本意。

九、未出發之前，當時警戒整肅，不可以時優勢，緩意存怠忽。

十、有出發之期，當協力一致，勇於前進，不得意存畏葸，貽誤大局。

十一、此公約經公認後，執法員依此執行，當嚴行查究，不得玩視。

右議案既通過，乃投票公舉事務員及執法員，姓氏如左。

葉君瀾 (書記)

林君長民 (書記)

蔡君文森 (書記)

陳君福頤 (會計)

學生軍之改革

軍國民教育會

張君肇桐 (會計)

蹇君念益 (會計) 本舉黃君軫因自認運動員乃舉蹇君自代

王君環芳 (經理)

周君宏業 (經理)

王君嘉築 (經理)

謝君曉石 (經理)

秦君毓逵 (執法)

蒯君壽樞 (執法)

董君鴻禕 (執法)

運動員姓氏如左

程君家樞 (運動南洋各島)

張君嵩雲 (橫濱神戶大坂長崎)

費君善機 (西浙一帶)

丁君嘉墀 (浙江)

俞君大純 (南京一帶)

黃君軫 (湖南及湖北南京)

楊君毓慶 (江南)

陳君天華 (湖南)

以上自認自費

黃君鐸 (長江一帶)

余君德元 (湖北)

朱君祖愉 (美洲)

以上推舉自費

黃君潤貴 (橫濱神戶大坂長崎)

以上推舉公費

上海機關託教育會爲之由蒯君壽樞交接

議畢皆呼軍國民教育會萬歲。是夕職員集議會館。分任事務。公舉葉君瀾爲職員長。

十七日晨八時。江蘇浙江同鄉會各開會送鈕君永建湯君樞行。午後軍國民教育會會員咸集會館。爲二君送別。攝影畢。葉君瀾致送別詞曰。

「吾中國大國民大豪傑軍國民教育會特派員鈕君永建湯君樞鑒此。嗚乎二君之行。爲

吾國四萬々民表忠憤。樹義聲。不獨爲吾百餘人。吾百餘人之送二君。亦送吾國四萬々人代表愛國敢死腦沙尸革之豪傑。亦不敢獨爲吾二君。俄爲虎狼。剝我國權。戕我民族。庚子以後。東北居民殺戮俎醢。於可薩克之悍將驕兵者。何啻十萬。豈獨強俄。若英若德。若法若美日若意大利等。其於我黃人何愛何擇。禽獮草薶。惟所欲爲。東三省苟失。則山東閩奧滇蜀楊子江久爲各國範圍地。有不宰割立盡者乎。今日中國之存亡。在乎滿洲之存亡。滿洲之存亡。在乎吾國人爭與不爭而已。西伯利鐵道未成。英美日邦交方睦。乘時勢。急與力爭。俄人亦未必遽敢逞志。且即出於戰。戰而不免於亡。亦孰與於坐而此待斃者。故二君之行。實爲吾全國國民之先聲。吾知二君之必有以表之。必有以勝之也。雖然吾留學生憤世嫉俗。動作不平。彼悠悠々之。口忌我怨我者。不知其如何議論。如何中傷。二君之行。其或不獲致死於敵人。轉寃於其所忠者。吾亦甚願吾言之不中矣。肩重任。蹈萬死。吾知二君之必無所怵也。二君行。吾知我百餘人之鞏固策勵。如臨二君也。同志自渙。負二君。負四萬々人也。訓練不勤。負二君。負四萬々人也。百數十人日二十四時。有一時忘國忘耻忘危忘死者。負二君。負四萬々人也。敬送二君。敬告同志。』

次王君環芳、張君肇桐、蒯君壽樞、蹇君念益、陳君福頤、咸致詞爲別。湯君樵答辭曰：『櫛以藐然之身。得蒙諸君舉此重任相委託。敢爲中國數千年歷史未有之趨材捍壯國

民之代表。樞與鈕君雖肝腦塗地。無論其死於鋒鏑。與死於斧鉞。皆屬深幸。况以樞料之。方今外患之亟。與吾學生効國之忱。人所共鑒。彼袁軍亦斷非憤憤者。致果有日。鈕君與樞即死。亦必從諸君子之後。爲疆場之鬼。無所旋踵。至若子胥鴟夷。鼃錯東市。此必無之事。不煩過計。昨日乃有某君致書本會。颯颯然慮患測禍。言之覩縷。其所以爲吾二人計者。固極周摯。然無乃爲姑息之愛。鈕君與樞敢受人姑息者乎。望諸君勿爲所動。鞏固策勵。葉君之言。樞願與諸君共勉之。」

鈕君永建曰。

湯君之言。足表永建肝腸。永建可以無言。願有前途希望之事。不敢不爲諸君告者。吾中國向無尙武精神。蓄縮畏事。浸爲性尙。自此輩人眼中視之。吾今日所爲事皆足驚怪。學生軍之立。其初有非笑我輩者。益以日本政府之干涉。勢亦頗殆。惟我同志有此團結力。有此愛國心。乃克排議任謗。成此絕大光彩之團體。上海教育會。受此影響。亦有所成立。京師學堂復有來電。內地各處咸起響應。可見吾國人愛國之心。排外之力。敢死之氣。非絕無根性。斷不淪爲奴隸。從此益加奮迅。益加擴充。大有全國皆兵之望。在諸君力爲之而已。天下事欲有所希望。有不爲其難。不任人非笑。而能成者乎。願諸君忍之貞之也。是日。既散會。得留學生總鑒督汪公來緘。轉致管學大臣張尙書電。錄如左。



請轉告學生。庚電悉。俄約政府方堅拒。諸生宜壹意科學。報國之日方長。斷不可輕于一試。百熙銑。

十八日特派員鈕君永建湯君樞出發。

二十日發軍國民教育會會員射擊分班表。及自治公約草案。期於次日集議。

二十一日開會清風亭。推舉葉君瀾爲臨時議長。是日議決自治公約。及會員射擊分班時間表。

## 自治公約

### 第一章 賞罰法

一 賞法分四等

第一頭等徽章、

第二二等徽章、

第三表揭善行(存記)

第四當衆嘉獎(存記)

右四等法皆臨時審度善行之大小。處以相當之賞。得三次以上者應加一等賞之。例如得第四等至三次時。即以第三等賞之。惟第一等賞。非得特別重大之善行者。

不輕用、

二罰法分四等

第一除名、

第二停止公權（期限臨時公議酌定）

第三當衆勸戒（存記）

第四執法員會同書記員通函詰問、

右罰法執行時準前賞法之例、功過相當可以抵銷惟除名不在此例

## 第一章 賞罰之綱目

賞綱目

一事功卓著

- (甲) 凡會員能鞏固本會基礎、擴充本會事業者、
- (乙) 凡會員能極力運動經費者、
- (丙) 凡會員能特別捐款補助本會者、
- (丁) 凡會員能獨力倡立支會者、

學生軍之改革

(戊) 凡會員爲本會當特別之責任者、

二品行足法、

(甲) 力謀公益、足資矜式者、

(乙) 按時辦事、謹守規則者、(每半年行賞一次)

三學業優長、

(甲) 演說著論、鼓吹本會宗旨者、

(乙) 功課成績、屢列前茅者、

、會員有爲公捐軀、或毀傷身軀者、本會當合衆力、行最大優卹、不在賞法之內、

罰綱目

一破壞團躰

(甲) 中途改變宗旨、有意規避者、

(乙) 對外之時、不能一致者、

(丙) 信口雌黃、有傷本會名譽者、

(丁) 擅自妄爲、未經公認之事者、

(戊) 違背公定之一切規約者、

(己) 造謠及一切欺害攻訐等情事者  
(庚) 意見衝突、不合公理、互相爭鬪、致傷感情者、

## 二放棄責任

(甲) 己負責任、半途翻悔、思避難者、  
(乙) 作事因循、潦草塞責者、  
(丙) 臨時遇事、不盡應爲之義務、有意推諉者、  
(丁) 講習開會時、不先告假、無故欠席者、

## 三妨害公益

(甲) 凡會員妄言妄動、毀壞本會名譽、及本會公物者、  
(乙) 在課堂、在操場、在會議時、任意喧擾者、

## 第三章 賞罰執行之權限

一行賞罰時、執法員須會同全躰會員處置、  
二如執法員有應賞之功、應罰之過、凡會員皆可提出公議、處以相當之賞罰、  
三凡會員如有應賞應罰之事件、當即報告執法員查明、會同全躰會員處置、  
四如誣告他人、應反坐以應得之處置、

五執法員如輕聽人言、妄行報告、凡會員可提議公決、處以相當之罰、

#### 第四章 附則

- 一 自治公約、既經全體會員商權公決後、即爲實行之期、
- 二 自治公約、得隨時提議、公決修改、

自治公約既議決、乃商定課程如左、

##### (甲) 射擊科

凡會員皆入躰育會射擊部、打靶、每人每週一次、由職員與日本躰育會訂定章程、

##### (乙) 躰操科

此科爲隨意科、其有校中本有躰操功課者不更入躰育會

##### (丙) 講習科

請本國留學生見習士官四人、輪日講演、

是晚上書載振貝子。語與上北洋大臣袁世凱書略同。

二十二日射擊開習。

午後、汪監督來述貝子言。諸生愛國之忱。實可嘉尙。但俄約政府已決計拒之。慶邸才德雖薄。亦斷不至受俄人籠絡。致失國權。諸生以求學來此。切勿因是曠業。於是職員等復上一

書。具陳學生等以効國爲宗旨。以敵愾爲精神。軍國民教育會之設。特於各校功課之外。多習體操射擊戰術諸科。以待効死而已。並不因是曠業。」

女學生開會議組織赤十字會事。並謁貝子。請其提倡。次日復上一書。

貝子殿下敬肅者。女學生等前日晉謁。得展清暉。以弱女愛國之忱。荷朱邸優渥之賜。感極而奮。不知所云。邇者在東留學生。以俄約日迫。一時忠憤。誓爲鬼雄。設立軍國民教育會。練習體操。講求戰術。一有戰事。志在効國。女學生等亦吾國一部民。宇宙一蒼赤。無一業之建樹。是自外於生成。安怪數千年來女權之摧踐陵遲。以至於今日也。當俄約警時。留學生等曼憂過慮。以爲北方立有血戰。僉欲剋日歸國。自効戎行。女學生等佗僚無訴。以爲母國垂亡。內胞且殲。弱質女子。生復何益。故亦公議隨軍北征。軍中之事。雖不克任。而裹傷收死。縫紉具食。或能爲之。必不得已。邂逅死所。附於國殤。亦足以塞天下之責。矢心若此。未敢少渝。近旬日來。各報所載。俄國以我政府之拒。稍々自戢。吾國或藉此得乘旦夕之安。奮發淬厲。以圖自振。學生等尤當因是以蓄七年之艾。力學積健。以期有爲。此留學生等軍國民教育會設立之旨。而女學生等赤十字看護婦與會之因也。查各國赤十字會之設。其宗旨爲大同。爲博愛。戰地療傷。無分敵我。而仁術之所自擴。無不由於一二愛祖國呢種族之士女。挾其親々之心。以爲渙愛之本。奈丁格爾、Nightingale 英國之

女子也。以英法攻俄之故。馳赴戰地。療卹死傷。卒爲今日各國赤十字會之藁矢。日本博愛社。亦十字會之先聲也。以鹿兒戡亂之故。隸於軍醫。從事救護。卒基明治廿年日內瓦府之同盟。惟其以英人急英國之患。日人卹日本之災也。故其惻隱之心。持之愈貞。摧之益遠。乃克底於渙愛大同之域。列於涂南條約。爲萬國之所公認。涂南瑞士人。勸立赤十字會者。歐人稱赤十字會條約爲涂南條約。是以無論何國。苟欲與於日內瓦列國之盟者。必首樹其父母國仁聞之幟。此其公例。萬無可越。而女學生等所爲切傷深愍。有所望於我君相與我國人也。戊戌之歲。大阪商人江蘇平民孫淦。嘗編述紅十字會說略一卷。言「地球萬國。猛鷲如土耳其。褊小如暹羅。皆已締約。獨朝鮮與我。未與茲盟。」今距孫淦編書之歲纔五年。而朝鮮亦踵起茲會。列於涂南。泱泱大國。顧朝鮮暹羅之不如也。營口之役。日本設立病院。吾國軍士。傷者病者。轉蒙其澤。感志慘慄。實吾之羞。吾國仿效西法垂數十年。船塢礮廠。歲有所興。雖屢經挫衄。仍不惜鉅帑以經營之。至於救災卹鄰。萬國共行之仁政。獨退讓隱忍而不敢任。是班孟堅所謂敢於殺人。而不敢於生人者也。能無恫乎。孫淦又於光緒二十三年在東京稟請欽差出使日本大臣裕。欲在中國各地捐集鉅資。試辨此會。懇由裕大臣咨明總理衙門代奏。奉批「紅十字會。西人謂之 Red Cross Socie-ty。拯災濟衆。最稱善舉。本大臣亦曾目覩。該商所稟各節。具見存心利濟。惟善舉之設。事

出衆擊。允准之權。應聽政府。仰候據情咨請總理衙門核奪。可否遲速。應俟覆到之日。再行飭遵。等因。輾轉數年。吾國士女無有繼起而道之者。庚子之變。畿輔一帶。積屍爲邱。流血成渠。瘴疠死傷。復不能不攀援哀號。待救於敵國之軍醫。凍餒顛躓。又不能不匍匐累歎。受拯於強鄰之厚施。苟孫淦之說能見諸實行。則近畿之民必多所存活。言之有餘痛焉。日本赤十字會。年開大會一次。女學生等在東目覩其盛。開會之日。帝后親臨。會中資財。歲有厚錫。即泰西各國。提倡斯舉。皇室政府。無不與者。女學生等不敢不以善國之帝后。以望宮闈。尤不敢不以強國之設施。以責政府。諄諭懇切。允爲代奏。具見仁民愛物。不讓東西諸賢王。惟風氣未開。衆擎匪易。非得朝廷倡率之力。不足以振全國好義之氣。惟殿下有以發起而規畫之。茲謹抄錄日本赤十字會章程。及日內瓦條約。另摺具呈。伏乞代奏。并懇敕令各省。勸諭紳富。協力贊成。女學生等已入日本赤十字會。篤志看護婦會。研究看護之法。苟有所得。不辭勞瘁。當竭誠爲効。一而且布告國人。有好義識時之士。聞風而起者。惟朝廷有以獎勗之。幸甚不宜。

是日訂運動員公約十三章

一、籌集經費須隨時匯寄本會

二、聯絡同志之團體須隨時通知本會



三、運動員遇有疑難事件不能擅決須隨時函商本會

四、運動期間之短長聽本人自定事畢之後或欲回家或欲來東均須報告本會將經手事件交代清楚

五、運動員與本會通信分直接間接二種間接者以上海教育會爲代收寄信件處直接者徑寄日本東京本會事務所

六、運動員與本會往來信件以勤爲貴約以一週爲率無郵便局之地不在此例

七、來往信件當編號次并蓋印章(運動員用自己印章本會用職員長印章)

八、運動員寄信本會可寄與職員長(現在職員長爲葉君瀾)本會寄信亦由職員長具名蓋印

九、各運動員須時々通信互相聯絡

十、運動員所得之款滿五十元即寄本會

十一、寄款亦分直接間接二種如寄信例

十二、運動員到上海時當會同與教育會商議專託一人代辦收寄信款事

十三、此約各運動員與本會事務所各存一紙當各遵守

號天一慟。淚斷腸絕。我中國其榛夷矣。虎狼強俄。不顧國際。甘爲戎首。要求無厭。鬻割任意。我中國其無人矣。旬月以來。警報紛至。衆言確鑿。萬目怒張。屬在同胞。孰不見之皆裂。聞而心痛乎。夫我中國自庚子以來。所以苟延殘喘。不即瓜分者。徒以列強勢力相持。莫敢先發。今者炸彈爆矣。平和破矣。人之言曰。引繩而絕之。其絕必有處。東三省固其比例也。僕等自聞警信以來。廢寢忘食。寸心如割。女生童子。無不飲血投袂。甘爲鬼雄。乃聚吾留學生而相與謀曰。俄人所以俎肉我者。固謂我必不能戰耳。嗚呼。我中國誠不能戰。然我中國之所以不能戰者。亦恐其戰敗亡國耳。又孰知今日之勢。不戰適足以促其速亡也。我苟不戰。俄人必不容我不戰。即俄人不與我戰。英美日不得不與俄人戰。俄人戰勝。我固亡。英美日戰而勝。我亦亡。亡一也。不戰而亡。誠亡國之尤慘者。將并印度波蘭之。不若矣。且東三省。固我之土地也。鄰邦之仗執大義。拔刀相向者。果爲我禦災捍患乎。抑有何德於我而出此乎。即不然。以我土地故。而聽他人公然在我地開戰。其主人乃縮鼻無一策。莫敢左右袒。嗚呼。所謂主權者何在矣。吾不知四強開釁之後。我中國將視爲對岸之火災乎。抑引爲剝膚之大痛乎。吾知其時必不能不牽率而出於一戰也。夫以強暴奪我之土地。我不先出死力以爭之。其卒也。終爲他人所牽率而出於一戰。則無論戰勝戰敗。主動力固不在我。其結果仍不免於亡。故論今日之勢。戰與不戰。亡一也。不如先戰。且

今日不戰。終必不能不戰。不如早戰。抑今日不戰。後且無從一戰。尤不如急戰。雖逆料至兵窮矢盡。一敗塗地。猶不失爲亡國之雄。而况英美日三國。或不利我之亡。英美於我腹地。布置尙未周備。日本則有唇亡齒寒之慮。大厦一傾。孤木難支。日本知之甚審。夫此三國者。旣不利我之亡。則又何能袖手旁觀。一任俄人之獨張其燄乎。凡茲大端。衆謀劃然。併於一轍。爰結敢死之士。聯爲一會。爲國民代表。而不惜犧牲此身。業已請於北洋大臣。又慮電文簡畧。不能盡抒所見也。公舉同學二人。馳赴天津。痛陳不戰之危。而冀當路之聽。苟宣戰有日。則會員即分別出發。甘爲前敵。萬戮不辭。夫以我留學生之赤手空拳。一無憑藉。而謂可與最大之強國。奮首一決。其不爲世界所閱笑者幾希。雖然。昔王蠋一布衣孤身耳。而溝瀆自經。齊人且爲之駭退。何況我留學生。瀆熱血。冒白刃。岸然挾萬死不返之心。即孱弱不能執戈。而效吳人之死士。自剄於軍前。亦足爲我母國之光。而見先人於地下矣。惟是會中部署。需款孔繁。內外紳商大夫。倘聞而哀之。悟身家之危急。諒祈死之苦衷。則毋吝援手。匡其不逮。今特遣同學賚書投前。不盡之忱。統由同學剖心瀝肝。面達左右。謹啓

二十五日運動員費君善機、朱君祖愉、丁君嘉墀、揚君毓慶、黃君鐸出發。

二十九日運動員張君崧雲、黃君潤貴出發。

五月初三日女學生入赤十字會開習。

初五日運動員黃君軫、余君德元出發。

初六日講習科開習。

初九日體操科開習。

十一日運動員廖君世勳出發。

是日得上海信上海通信機關專託吳柳甫先生。

十二日開例會於清風亭。宣告各特派員運動員緘件。添舉許君壽裳爲書記員。定內地外埠入會章程。改正會費章程。

### 內地及外埠入會章程

- (一) 凡入會者須認定本會宗旨
- (二) 凡入會者須擔當本會責任
- (三) 入會之時須由本會會員紹介
- (四) 凡人數多至十人以上得組織爲本會支部所擬支部規則與本部不相背謬者本會得承認之

(五) 既爲本會支部凡關於課程一節本部有代爲經理并紹介教員之責

- (六)內地及外埠會員均由本會寄與本會之各種出版物(如講義報告等類)
- (七)凡關於會員之權利與本部會員一體
- (八)會員會費用分交總交二法分交者年二元四角作兩季分交收處由本部指定交滿五年後不再收會費總交者一次交十元以上不再收費
- (九)既爲會員即由本會贈送徽章一枚
- (十)入會以後如有違背本會宗旨不合本會規則者令其除名并須繳回徽章

## 附本章第九章經費改正之部

### 第九章 經費

一義務捐 會員月輸義務捐四角

改正 會員義務捐內分會費與射擊費 射擊費二角於每月例會時交納 會費每月二角每年作兩季分交交滿五年後不再收會費願總交者一次交十元以上不再收費

二特別捐 會員於月捐外有加捐或海內紳商有樂爲提倡捐助者統作爲特別捐加正 會員及會外紳商有提倡捐助本會特別捐者即由本會贈皇特別徽章

特別徽章計分三等

捐款十元以上者贈送三等徽章

捐款百元以上者贈送二等徽章

捐款五百元以上者贈送頭等徽章

十六日運動員俞君大純出發

十九日職員會議定徽章制式正面鑄黃帝像橫書軍國民教育會背面贊曰帝作五兵揮斥百族時惟我祖我膺是服頭等純金二等銀鍍金以贈有功三等白銅鍍銀普通佩用特別徽章用牡丹花形亦分三等贈與特別捐款者

會員名單

鈕永建	湯 標	程家樞	費善機	丁嘉墀	張崧雲	黃潤貴	黃 軫	俞大純
陳天華	廖世勳	楊毓鑾	黃 鐸	余德元	朱祖愉	葉 瀾	林長民	蔡文森
周宏業	王璟芳	謝曉石	王嘉榘	陳福頤	張肇桐	蹇念益	董鴻禕	鞠壽樞
秦毓鑾	貝 均	方聲洞	高 种	董 猛	華 鴻	張允斌	陳去病	任 責
黃立猷	徐家瑞	徐秀鈞	沈成均	何世準	劉文福	周慶冕	吳 雄	陳茹昌
朱少穆	李天錫	劉成禺	唐壽祺	胡鎮超	盧藉剛	劉志芳	馮啓莊	伍嘉燕
陳英昌	張脩爵	濮 祁	方舜階	劉 蕃	李盛銜	周兆熊	陳雲五	李 雋
林先民	平士衡	王篤基	朱孔文	倪永齡	彭樹滋	夏 斌	陸規亮	陸龍翔
楊汝梅	楊廷垣	歐陽啓勳	王鎮南	張 淳	張魁先	尹援一	王明芳	胡 錚
楊毓萃	何厚侷	黃瑞蘭	張肇熊	龔國元	陳榮鏡	韓永康	李書城	許壽裳
宜 桂	鍾 音	陳 介	嚴智崇	張書詔	張殿璽	張景光	諸 翔	李炳章
蔡世俊	胡濬濟	黃實存	韋仲良	鄧官霖	歐陽幹	陳與年	甘啓元	潘國壽
楊言倡	李壽康	劉景沂	秦文鐸	馮廷美	胡克猷	薩 端	趙世瑄	王季緒
顧樹屏	黃仁以	劉希明	王學文	王永旻	涂 永	喬世臣	鄭憲成	施傳盛

林 獬	王章祐	張卜冲	陳之驥	李宜威	劉景熊	顧次英	屈德澤	林楷青
鮑應鏢	載 贊	載 麒	邢之襄	陳定保	張毓靈	李士熙	石 鐸	翁 浩
袁華植	沈 剛	吳欽廉	劉景烈	葉基勤	劉鐘鈺	方聲濤	楊明翼	許嘉樹
林肇民	葉基楨	王學來	王兆枬	盧啓泰	濮元龍	王鳴臬	經家齡	曾天宇
江爾鶚	鍾 杰	貝鏞禮	林蔚章	薩君陸	吳治恭	夏清馥	王孝縝	尙 毅
高兆奎	陳秉忠	羅元熙	蘇子毅	辛 漢	長 福	額勒精阿	梁孟剛	周維楨
黎勇錫	胡景伊	周道剛	朱廷祿	王孝綢	廖 蕃	許 翔	吳傳綬	徐孝剛
方聲煊	洪 範	張懋德	李錫青	區金鈞	桂少偉	盧牟泰		
以下女學生	林宗素	王 蓮	曹汝錦	陳懋颯	華 桂	胡 彬	龔圓常	
方君笄	鈕勤華	吳 芙	周佩珍	錢豐保				

軍國民教育會捐款 截至現在止已題捐者均列入以後續集續登

直說編輯社 捐二百圓

新民叢報社 朱祖愉 陳定保

以上各捐壹百圓

李壽康 捐三十圓



軍國民教育會

蹇念益 黎淵 梨邁 劉子明 蹇先驄 毛邦偉 王志恕 李萼芬 陳詒恭

劉昌明 李倍元 李燮元 邵光年 錢良駿 由宗龍 吳錫忠

以上共捐三十圓

馬崙鐘 吳欽廉 馮心支

以上各捐二十圓

許翔 孫翼中 魏聲和 湯愛理 楊昌濟 鄧官霖 尹援一 劉頌虞 鄭孝可

劉成禹 鐘銑 王幹臣

以上各捐十圓

梁耀漢 捐六圓

俞大純 劉毓槃 潘無覺 費善機 王雋基 甘啓元 歐陽幹 徐家瑞 阮明新

阮福田 胡濬濟 汪梁 施德南 朱曜 汪希 季新益 任責 劉維霖

饒景華 王國樑 廖仲愷 伍嘉杰 黃潤貴 黎勇錫 陳芙昌 金曾澄 黃聖清

葉基勤 葉基楨 沈芭舫

以上各捐五圓

張瑋 鄒永譽

以上各捐四圓

倪壽齡 葉于蘭 歐陽啓勳 揚霆垣 黃瑞蘭 鮑應榮 何香凝 韋仲良 鄧弁華

梁煥彝 胡成章 鄒致銓 周慶冕

以上各捐三圓

唐玉書 唐壽祺

以上各捐二圓五角

方時簡 揚 崑 林長民 林先民 高鳳謙 薩 端 蘇子毅 孫 培 方家燿

陸世芬 李瑞董 汪與準 汪以鐘 董紹祺 任克成 夏爽夫 高爾翰 張邦華

許壽裳 陳去病 顧次英 朱祖怡 朱祖恂 伍崇學 蔣鳳梧 徐家瑞 吳欽廉

陳天華 嚴智崇 陳志樑 馮挺之 黃實存 蕭寶鏞 甘熾先 梁慈瀨 劉學誠

陳茹昌 王體端 林汝魁 陳同紀 歐陽幹 胡鎮超 朱少穆 馮啓莊 鄧瑞槃

譚學徐 譚學夔 李天錫 蕭思鶴 揚言倡 沈儀琳 沈儀鎔 徐土修 陶思曾

曾繼梧 成鳳韶 石陶鈞 吳家駒 周家純 錢方度 曹騰芳 鄧致權 曹汝霖

劉鴻遠 春 梁 趙建熙 張 楫 辛 漢 江華本 易恩侯 屈德澤 汪步揚

黃聯元 黃愷元 黃宗曾 恭黃輔 陳應龍 張孝移 關乾甫

學生軍之改革

軍國民教育會

以上各捐二圓

錢稻孫 捐一圓五角

陳雲五 王榮樹 祝長慶 胡 錕 張鴻藻 權 量 陳慶颺 李 雋 張魁先

周兆熊 王璟芳 張 彬 盧啓泰 黃立猷 劉 蕃 王保恒 鄧賢才 方景勳

戚運機 王鎮南 徐天叙 何萬福 張義新 李書城 周維楨 揚金榜 周 霖

陳福頤 秦存仁 王履康 陳秉忠 葉秉甲 張 煥 藍天蔚 龔光明 萬雲松

胡景伊 曾天宇 劉文福 范鴻泰 韋德周 何鴻翼 涂 永 張天培 揚占春

毛席豐 劉景烈 劉景熊 施時本 霍穎西 馮廷美 方聲洞 方聲濤 林蔚章

林志鈞 王兆枏 方君笄 高 种 方聲煊 陳與年 林楷青 林 榮 劉崇傑

劉崇倫 王永忻 江爾鶚 李景圻 梁訓勤 張肇桐 秦毓濠 秦文鐸 徐秀鈞

張肇熊 何厚侗 楊汝梅 嵇 鏡 汪鎬基 陳 蔚 林調元 陳鴻球 王雋基

蘇耕春 丁拜堯 屠篆丹 陳公猛 陳公俠 潘國壽 張 嘈 高 平 經亨頤

經亨淦 經亨權 經亨杰 陶成章 程子青 趙伯冲 陳其善 濮元龍 黃 德

黃曾延 黃曾銘 林大閻 許 鞭 王凱成 孫 任 林文潛 林大同 周承德

張競仁 沈玉楨 袁 翼 施 霖 揚毓萃 陳之驥 陸夢熊 朱庭祿 屠 寬

屠彥琦	卜綸章	嵇岑孫	顧瑛	陸家鼐	經家齡	吳志恭	陳懋修	夏斌
廖世勳	許家澍	胡克猷	蔡文森	范紹絡	金慶章	吳超	揚士照	周培孫
沈成鈞	顯樹屏	王建善	汪德林	貝鏞禮	袁希洛	孫銘	吳晉	王光照
張景光	華鴻	彭樹滋	揚照	顧琪	羅元熙	張修爵	顧沛然	丁衡
貝均	于璜	黃鏗	高兆奎	汪榮寶	汪果	濮祁	張毓靈	馮貢世
劉希明	蘇子穀	鍾卓京	周家彥	劉邦瀚	黃世芳	陳榮鏡	沈明道	馬毓福
紀鴻	余德元	解鴻順	陳文哲	向同超	鞠壽樞	龔圓常	陳爾錫	朱德裳
陳家瓚	揚子玉	梁煥鈞	廖名璠	王閻憲	仇式匡	舒和鈞	張伯良	樊時中
揚政	廖楚璜	朱樹藩	周台期	王季緒				

以上各捐一圓

曾繼燾 載哲文 周元承 揚毓鑾

以上共捐二圓一角

鍾體乾	任嶧	吳永混	劉鏡	王明芳	揚克剛	吳永珊	胡光普	胡光旭
丁文江	黃松	程理權	陳瑄	馬正乾	姚永元	洪範	王琨芳	王蓮
翁浩	林獬	林肇民	劉崇繩	薩君陸	鄭憲成	林宗素	施傳盛	程樹德

軍國民教育會

四十八

蔡世俊 王孝縝 沈 綱 王孝綢 陳燦華 李宜威 王學來 王學文 夏清馥  
謝曉石 韓永康 鍾 燕 錢家沅 葉 瀾 董鴻禕 王鴻年 游壽宸 黃 瓊  
張正邦 朱慈夫 張雲甫 王爲誠 壽拜庚 祝 謙 吳璧華 董瑞熙 嚴恩榜  
嚴恩械 顧 倬 黃以仁 侯鴻鑑 秦毓鈞 陸規亮 陸龍翔 李伯雄 蘇 謙  
汪郁年 程宗泗 厲家福 韓清泉 錢家治 袁華植 秦岱源 盧藉剛 周承葵  
李炳章 彭世俊 張振曦 吳家駿 吳友炎 吳友松 載修禮 周大備 胡榮邁  
李 儻 羅宜照 張藻六 許崇周 譚獻侯 黃本銑 黃本璞 張學濟 黃篤鑑  
賀家焜 李雲龍 陳璩章 劉棣茂 諸 翔 成 棻  
以上各捐五角

軍國民教育會捐款 續收之部

何子霄 林 森 敬修家塾 葉慶餘堂

以上各捐壹百圓

約翰書院備館生 捐八十圓又一百角

錢觀察 廣萬泰

以上各捐五十圓

湯拙存 華學涑 陳平齋

以上各捐十圓

朱謬臣 捐六圓

湯銘三 羅昌 林慧儒 周寄梅

以上各捐三圓

張問停 楊冰 方時翮 金家爵 石德純 洪杰 齊國瓚 程堯章 孫方尙

金邦平 洪鎔 戴麒 戴贊 劉迺弼 程家權

以上各捐二圓

方樞 方彥恂 羅會坦 徐惠仍 張家甫 尤惜陰 嚴侶琴 范麟書 吳聿懷

以上各捐一圓

### 上海教育會頌詞

上海熱血動物類候補軍國民教育會同人公頌

軍國民教育會萬歲 萬歲 萬歲。

烏乎義勇隊止一時感激之事耳。諸同胞大豪傑亦頗感情於臨渴掘井。早知今日。何不當初乎。然當初無盡。今日正多。今日即後日之當初。後日即後日之今日。歡呼！

歡呼！歡呼！自

軍國民教育會成立。而「後日」有「當初」矣。

發起。由拒俄。結局。直與普世界。外族異種。戰死。而止。

軍國民魂來復乎。「活矣」歡呼！軍國民魂來復乎。「活矣」歡呼！軍國民魂來復乎。「活矣、活矣、活矣」流涕歡呼！

軍國民有教育會矣。「悠矣久矣」歡呼！軍國民有教育會矣。「悠矣久矣」歡呼！軍國民有教育會矣。「悠矣久矣」歡呼！

上海義勇隊之支部。四方來頌者。日紛沓。亦將敬謹改爲軍國民教育會。

東京雖散。永遠不散。東京雖散。上海不散。支體雖散。靈魂不散。

並將采法諸大豪傑之手訂章程。加以嚴重之自治法。

天長地久。永遠遵守。天長地久。永遠遵守。天長地久。永遠遵守。

軍國民教育會暨支部

赤十字會諸大豪傑乎。爾姓爾氏。我目我耳。聞之見之。爾其永矢。

執事不敬。毋寧遄死。虎頭蛇尾。如何歸里。先編至此以下續編

## 附廣西事件紀略

廣西亂事。已經一載。政府屢諭桂撫王之春速籌平亂之策。王之春勦撫一無成效。此載在中國各報者也。三月抄日本東京各新聞咸載「王之春懼政府之譴。因乞援於駐屯諒山之法軍。請其出兵助勦。許以事平之後。桂省鐵路礦山之權概歸法人。於是法國駐屯越南之提督。立派軍隊由陸路馳往赴援。又派小砲艇由內河駛往各要隘。準備進勦。」云々。留學生大憤激。四月初二日。留學生會館幹事邀集各評議員會議。次日開大會於錦輝館。議決各事如左。

- 一、電致政務處。請其撤回桂撫。謝絕法人。
- 二、電致粵督德制軍。及調任粵督岑制軍。
- 三、電告上海教育會。請其協力電爭。
- 四、作詳緘致政務處王大臣。
- 五、作英法文寄登歐洲各有名之報紙。

### 致政務處電文

聞桂撫王之春通欵法人。假欵乞援。桂省必非我有。各國從而生心。大局動搖。請速代奏。謝絕法人。撤回桂撫。另行籌辦。以免後禍。詳函續上。



致奧督德制軍及新奧督岑制軍電文 同上

致上海教育會電文

桂事王借外兵外款東京已電爭。望滬上協應。

致政務處王大臣緘

生等負笈海外。痛念時艱。引領父母之邦。怵然來日之禍。其欲竭盡知能。有所貢獻。以圖補救於萬一者。匪朝夕矣。自以僻陋在遠。言之無益。且恐左右。或以國家大政。非微賤所宜參預。不加垂察。猥相督過。是以逡巡中止。懷不敢陳。頃以事機日迫。危亡隨屬。展轉疑慮。若茹大鯁。不一吐之。不能自安。前日已羣集籌議。公呈一電。詞簡意漏。懼不能明。故復雪涕詳白。重瀆尊嚴。言有過當。幸矜恕焉。竊聞粵亂日久。邊陲戒嚴。疆吏不職。弗能致討。近乃張皇入告。飾詞恫喝。議乞外兵。並假鉅款。且請事平之後。酬以特利。事雖風聞。言非烏有。此國家存亡之樞紐。民生休戚之大故。凡有血氣。不能不爭者也。王之春之爲廣西巡撫也。或言與法人通謀。陰相狼狽。允蒞任之後。與以重酬。事見於去年廣西京官公奏。載於中外諸報。言之鑿々。似非無據。生等以爲封疆大臣。受恩深重。雖至不肖。不宜有此。是以妄相推測。未敢深信。嗣閱日本各報。謂法人覬覦粵地。潛煽遊勇。私供軍火。陰許助亂。既復逼迫政府。責以平定。詭詞百出。冀售其欺。爾時已知狡敵之謀。至爲叵測。內外交

煽事未易平矣。近疊據日本諸新聞紙言。法人藉詞自衛。欲越俎代勦。並言王之春已乞駐屯諒山之法兵。前來援助。而安南東京總督已出兵一隊。陸路進發。遣砲艇數艘。從內河上駛。謀拒要隘。以爲進取之計。又謂王之春向亨達利洋行籌借巨帑。私許亂平之後。以廣西全省鐵路礦山諸特權相讓。日來警信疊出。群議紛然。生等遊學此土。親睹其言。稽諸前後所聞。證以近日之事。確知廣西之亂源。固有所在。而內姦外敵。同惡相濟之事。實固有所不可疑也。何則。法人既得安南。欲進窺中原。其視廣西。固久爲其囊中之物。特我苟無釁。則彼亦不得無端發難。以破東方之和平。故日夜利我之亂。得藉詞出師。以爲佔據該省之計。而王之春者。既陰藉法人之力。遽竊廣西巡撫之位。勢不能不有所報償。以爲固寵持祿之地。故亦日夜利亂事之熾。藉口於兵力之不足。得以乞援法人。而踐其讓與利益之約。內外朋比。陰相構扇。助亂長惡。以至今日。是則廣西之民。既受法人之愚於前。而敢於生內訌。朝廷又將受王之春之愚於後。而不難於召外寇。夫自古借外師以致禍者。有史以來。不可勝紀。况以虎狼之法人。彼其於無事之日。猶將陰謀秘計。以聘其荐食我土之志。而顧復招之使來。予以口實。彼重兵既出。豈有復退之望。始或割占一部。以爲根據。終必吞噬全省。遂其大欲。如是則內訌雖平。而土地亦隨之而亡。方今東三省之事。曠日不決。俄人陽許撤兵之約。陰行占領之實。恢復之望。殆未易言。而法人又已襲



A541 212 0015 77388

俄人之故智。相逼而來。前車方覆。而後轍不改。浸假英德美日之屬。亦將就其勢力之所及。相率效尤。難端一發。不暇遲疑。擇肉而噬。頃刻且盡。禍至無日。言之寒心。且法兵既入廣西。彼於吾民。夫復何愛。草薶禽獮。不待終日。小民仇視西教。茹痛已久。一旦復遭慘殺。飲恨日深。雖或怵於外兵之力。未敢驟動。而鬱極復發。其禍倍烈。且恐他省之民。聞風激變。紓其怨毒。仇教排外。揭竿並起。爾時各國咸思藉口。逞其兇狡之德。爭居吾土。雖欲不亡。不可得矣。即今所料者。幸皆不中。而外兵平亂之後。鑛山鐵路等利權。勢不得不舉以相授。夫今日列國爭存之要。在於財政。交通之便。由於鐵路。鑛產失。則一國之利源塞。而財政將不可支。鐵路失。則一國之交通權亡。而土地亦不可保。各國之在中國。其所謂勢力範圍者。即以其在中國所得鑛山鐵路之實權。爲其勢力之根據而已。今中國鑛產路權陷於外人之手者。已所在皆是。幸而猶有未失者。而顧明目張膽。許相報酬。則是惟恐其勢力之不張。而務所以增附之。惟恐其範圍之不廣。而務所以擴充之也。蓋飲鴆未嘗不可以愈渴。而渴者終不飲鴆者。爲其雖有愈渴之効。而將有傷生之患也。今乃邊境不靜之故。而猥以國家土地之權。財產之源。交通之利。拱手以讓諸外人。是孰與飲鴆止渴者也。王之春一人之肉不足食。奈何以諸王大臣之明哲。而爲其所賣乎。生等屬在國民。義同休戚。苟有所見。不容不陳。故敢竭盡其愚。以貢左右。

